



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XVI

BROJ: 259

DATUM: 26.04.2019.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Gregor Jurišić, viši saradnik za finansijska pitanja
fax: + 387 33 552 810
gregor.juriscic@sogfbih.ba

Sadržaj biltena:

Pristupanje Evropskoj uniji i lokalne vlasti u BiH, politika zapošljavanja i socijalna politika

Održan sastanak Komisije za ustavna i zakonodavna pitanja sa predstavnicima općina sa područja Kantona Sarajevo

Održan trening iz oblasti "Upravljanje projektnim ciklusom" za organizacije civilnog društva

U Tešnju i Sarajevu okončane radionice "Predstavljanje regulatornog okvira mjesnih zajednica"

GIZ ORF-EE potpisao Memorandum o razumijevanju sa Gradom i Kantonom Sarajevo povodom Plana održive urbane mobilnosti

Najave

Najava obilježavanja Dana općina i gradova za mjesec

Bilten Saveza općina i gradova Federacije Bosne i Hercegovine

PRISTUPANJE EVROPSKOJ UNIJI I LOKALNE VLASTI U BIH, POLITIKA ZAPOŠLJAVANJA I SOCIJALNA POLITIKA

Analiza je provedena iz pet oblasti

Savez općina i gradova Federacije Bosne i Hercegovine u saradnji sa Savezom opština i gradova Republike Srpske i Švedskim savezom regionalnih i lokalnih vlasti (SALAR) je u okviru Projekta „Jačanje saveza općina i gradova u Bosni i Hercegovini“, koji finansira Vlada Švedske i Vlada Švicarske proveo analizu utjecaja pristupanja Evropskoj uniji na lokalne vlasti u BiH.

Analiza je provedena iz pet oblasti pravne stečevine i to: „Javne nabavke“, „Zapošljavanje i socijalna zaštita“, „Regionalna politika i strukturni instrumenti“, „Ruralni razvoj“, „Životna sredina i komunalne usluge“.

Na osnovu izrađene analize i proizašlog izvještaja sa potrebama za budućim koracima oba saveza i jedinica lokalne samouprave u BiH u procesima pristupanja EU nedavno je organizovana i Konferencija „Uticaj procesa pristupanja Evropskoj uniji na jedinice lokalne samouprave“.

Predstavnici Saveza općina i gradova Federacije BiH će u narednim brojevima biltena predstavljati oblasti koje su analizirane u izvještaju, a u jednom od ranijih brojeva pisali smo o oblasti „Javne nabavke“, dok smo u ovom broju uz pomoć relevantnih sagovornika analizirali oblast „Politika zapošljavanja i socijalna politika“.

Sagovornici iz Općine Novo Sarajevo

Zahvaljujući adekvatnim sagovornicima, predstavnicima Općine Novo Sarajevo, Jasni Nikšić, šefici Službe za lokalni razvoj, Emini Rovčanin, pomoćnici Općinskog načelnika Službe za rad, socijalna pitanja, zdravstvo, izbjeglice i raseljena lica i Faruku Pršešu, pomoćniku načelnika Službe za društvene djelatnosti uspjeli smo dobiti kraći osvrt na izvještaj, kao i sugestije šta bi Savez mogao učiniti po ovom pitanju.

„Općine i gradovi u BiH bi trebali imati važnu ulogu u pružanju podrške zemlji tokom priprema za pristupanje Evropskoj uniji, na način da osiguraju pravilnu i ujednačenu primjenu zakonodavstva i sredstava EU, kao i pravilnu upotrebu fondova EU namijenjenih za nesmetanu provedbu ovog procesa. Lokalne vlasti, kao kreatori politika moraju imati mogućnost da se njihovo mišljenje uvažava u okviru državnih programa ekonomskih i socijalnih reformi koje se dalje koordiniraju i revidiraju na nivou EU, ali imaju velike posljedice i po lokalni nivo. Potreba za hitnim rješenjima u oblasti politika zapošljavanja i socijalnih politika u BiH je prije svega rezultat potrebe da se stvore radna mjesta, posebno za žene i mlade. Općine mogu igrati važnu ulogu u ovoj oblasti, kako u ulozi poslodavaca, tako i u ulozi lokalnih aktera, koji mogu pružiti podršku osobama koje traže posao, privlačiti investicije i doprinositi usklađivanju između tržišta rada i radnih vještina. Kada se radi o koordinaciji politika, jasna slabost u BiH je nedostatak usklađenih strategija za politiku zapošljavanja, socijalnu inkluziju i socijalnu zaštitu“ - ističu predstavnici Općine Novo Sarajevo.

Kako kažu u ovoj sarajevskoj općini, razvijene lokalne zajednice provode programe aktivne politike zapošljavanja i pružanja aktivne mjere podrške pri zapošljavanju, iako relevantni zakoni o posredovanju pri zapošljavanju ovu ulogu povjeravaju zavodima za zapošljavanje

„Općine u cjelini predstavljaju jednog od najvećih poslodavaca i stoga mogu opravdano očekivati da budu uključene u konsultacije od strane viših nivoa vlasti, te da im entitetske i državne institucije dostavljaju informacije u vezi sa prilagođavanjem zakonodavstva iz ove oblasti i zahtjevima EU.



Kada se radi o socijalnom dijalogu, savezi općina i gradova u našoj zemlji mogu razmotriti mogućnost da se pozicioniraju kao udruženja poslodavaca i zastupnici interesa lokalnih vlasti u ovoj oblasti. Generalno, posmatrajući ovu problematiku savezi bi mogli poduzeti konkretan korak ka rješavanju trenutnog nedostatka potrebnih strategija tako što bi zajednički razvijali svoje vlastite strategije zapošljavanja i socijalne inkluzije, sa dosljednim pristupom i vremenskim rokom u oba entiteta, te u skladu sa zakonskim okvirom EU i zakonskim okvirom u BiH.

Iz naprijed navedenog neophodno je inicirati saradnju sa javnim službama za zapošljavanje i nadležnim ministarstvima ili agencijama sa viših nivoa kako bi se osigurala bolja pozicija ne samo sa aspekta ostvarivanja uticaja na nacionalne programe reformi, već također u smislu ostvarivanja koristi od EU fondova u oblasti zapošljavanja i socijalnih pitanja – rekli su predstavnici Općine Novo Sarajevo.

Savezi trebaju biti u mogućnosti da članicama pruže relevantne informacije

U cilju efikasne pripreme za pristupanje, općine i savezi se trebaju uključiti u rasprave o ovoj temi i biti u mogućnosti da članicama pružaju relevantne informacije o usklađivanju bh. zakonodavstva sa zakonodavstvom EU koje se odnosi na tržište rada, sigurnost i zdravlje na radu i nediskriminaciju.

U državama članicama, u kojima su savezi lokalnih vlasti zvanično priznati kao poslodavci u javnom sektoru, savezi mogu uticati na te procese kroz učešće u socijalnom dijalogu između organizacija poslodavaca i sindikata na nivou EU. Također, treba istaći da općine u svojstvu kreatora politika mogu igrati važnu ulogu pri koordinaciji neobavezujućih politika vezanih za zapošljavanje, socijalnu inkluziju i socijalnu zaštitu. Konstruktivna uloga pri ovome može pomoći lokalnim vlastima da ostvare utjecaj na državnom nivou i dobiju pristup fondovima EU za projekte zapošljavanja i socijalne projekte.

Izveštaj, kao i sažetak izveštaja „Uticaj pristupanja EU na lokalne vlasti u Bosni i Hercegovini“ će u narednom periodu biti dostupni svim jedinicama lokalne samouprave u FBiH.

Savez će uskoro provesti niz aktivnosti kako bi pružio usluge i podršku svojim članicama, jedinicama lokalne samouprave u oblasti „Politika zapošljavanja i socijalna politika“.

Izveštaj, kao i sažetak izveštaja „Uticaj pristupanja EU na lokalne vlasti u Bosni i Hercegovini“ će u narednom periodu biti dostupni svim jedinicama lokalne samouprave u FBiH

ODRŽAN SASTANAK KOMISIJE ZA USTAVNA I ZAKONODAVNA PITANJA SA PREDSTAVNICIMA OPĆINA SA PODRUČJA KANTONA SARAJEVO



Sastanak Komisije za ustavna i zakonodavna pitanja

U organizaciji Saveza općina i gradova Federacije Bosne i Hercegovine, u četvrtak, 25. aprila/travnja 2019. godine, održan je sastanak Komisije za ustavna i zakonodavna pitanja sa predstavnicima jedinica lokalne samouprave sa područja Kantona Sarajevo, kao priprema za narednu sjednicu Predsjedništva Skupštine Saveza općina i gradova FBiH.

Jedna od najvažnijih tema sastanka bila je inicijativa Općine Centar Sarajevo i Općine Trnovo za zaštitu

zakonitosti i povrede prava na lokalnu samoupravu u vezi sa Uredbom o postupku prijema u radni odnos u zavodima, agencijama, direkcijama i upravnim organizacijama, pravnim licima sa javnim ovlaštenjem na teritoriji kantona, grada ili općina, te privrednim društvima u kojima kanton, grad ili općina učestvuje sa više od 50 posto ukupnog kapitala.



Pomenutom Uredbom su grubo prekršena prava na lokalnu samoupravu jedinica lokalne samouprave sa područja Kantona Sarajevo - kazao je Ibro Berilo, načelnik Općine Trnovo

- Pomenutom Uredbom su grubo prekršena prava na lokalnu samoupravu jedinica lokalne samouprave sa područja Kantona Sarajevo. Mi samo tražimo poštivanje ustavnosti i zakonitosti. Neadekvatnim donošenjem uredbi nerijetko se krše zakoni koji su rješenja višeg reda. Nije mali broj zakonskih rješenja u KS i FBiH za koje je potrebno ispitati ustavnost i usklađenost sa Evropskom poveljom o lokalnoj samoupravi i Zakonom o principima lokalne samouprave u FBiH – istakao je Ibro Berilo, načelnik Općine Trnovo, čiji stav je podržao i Dževad Bećirević, savjetnik općinskog načelnika Općine Centar Sarajevo i Ibrahim Hadžibajrić, načelnik Općine Stari Grad. Zaključeno je da se Predsjedništvu Skupštine Saveza općina i gradova FBiH predloži da se u Kantonu Sarajevo pokrene aktivnost oko obustave primjene Uredbe, odnosno stavljanje iste van snage i da se ispita ustavnost i usklađenost sa Zakonom o principima lokalne samouprave u FBiH svih zakonskih rješenja u KS. (Pomenutu aktivnost bi provela Radna grupa sastavljena od predstavnika svih jedinica lokalne samouprave sa područja Kantona Sarajevo). Na sastanku je izneseno i niz primjera dobrih praksi Saveza za njene članice kao što su Zakon o komunalnim taksama i naknadama u Kantonu Sarajevo (koji je na zahtjev jedinica lokalne samouprave i Saveza općina i gradova FBiH vraćen u skupštinsku proceduru), Zakon o izmjeni Zakona o preuzimanju, izmjenama i dopunama Zakona o zakupu poslovnih zgrada i prostorija u KS (koji je na Inicijativu Općine Ilidža i Saveza općina i gradova FBiH povučen sa dnevnog reda sjednice Skupštine Kantona Sarajevo). Direktorica Saveza općina i gradova FBiH Vesna Travljanin je izvijestila prisutne da je u toku aktivnost potpisivanja Sporazuma o saradnji između Saveza općina i gradova FBiH sa Predstavničkim domom Parlamenta Federacije BiH, te da će Savez kao pravni sljednik moći zastupati interese svojih članica u Parlamentu FBiH.

ODRŽAN TRENING IZ OBLASTI „UPRAVLJANJE PROJEKTNIM CIKLUSOM“ ZA ORGANIZACIJE CIVILNOG DRUŠTVA



Sa treninga iz oblasti „Upravljanje projektnim ciklusom“

U organizaciji Saveza općina i gradova Federacije Bosne i Hercegovine, 18. i 19. aprila/travnja 2019. godine u Centru za kulturu i mlade Općine Centar Sarajevo održan je dvodnevni trening iz oblasti „Upravljanje projektnim ciklusom“ za organizacije civilnog društva. Cilj treninga bio je pružiti predstavnicima organizacije civilnog društva dodatna znanja o upravljanju projektnim ciklusom, kako bi mogli kvalitetno osmišljenim i napisanim projektnim prijedlozima aplicirati na javni poziv Općine Centar Sarajevo, ali i na pozive drugih, domaćih i međunarodnih donatora. Trening je vodila Uma Isić, edukatorica Saveza

općina i gradova Federacije Bosne i Hercegovine.

U TEŠNJU I SARAJEVU OKONČANE RADIONICE „PREDSTAVLJANJE REGULATORNOG OKVIRA MJESNIH ZAJEDNICA“

Savez općina i gradova Federacije Bosne i Hercegovine je 17. aprila/travnja 2019. godine u Tešnju i 23. aprila/travnja u Sarajevu organizovao radionice za jedinice lokalne samouprave sa fokusom na regulatorni okvir po pitanju mjesnih zajednica u Federaciji Bosne i Hercegovine. Savez ove aktivnosti realizuje u okviru Projekta „Jačanje uloge mjesnih zajednica u Bosni i Hercegovini“ koji finansiraju Vlade Švicarske i Švedske, a provodi Razvojni program ujedinjenih nacija - UNDP. Na radionicama je predstavljen Nacrt zakona o izmjenama i dopunama Zakona o principima lokalne samouprave u Federaciji Bosne i Hercegovine koji je pripremila Komisija za realizaciju Projekta „Statusi mjesnih zajednica u zakonodavstvu Bosne i Hercegovine - nivo Federacije Bosne i Hercegovine“.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbic-bih-mne.org
www.srb-bih.org
www.cbic-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Detalj sa radionice mjesnih zajednica održane u Sarajevu

Komisiju su činili predstavnici sljedećih institucija/organizacija: Federalno ministarstvo pravde, Parlament Federacije Bosne i Hercegovine (Predstavnički/Zastupnički dom i Dom naroda), općine Žepče, Tešanj, Gradačac, nezavisni ekspert, UNDP i Savez općina i gradova Federacije Bosne i Hercegovine. Predstavnici jedinica lokalne samouprave koji su prisustvovali radionicama, iznijeli su svoje stavove i komentare o ponuđenom materijalu, a što će poslužiti Komisiji u daljem radu.

GIZ ORF-EE POTPISAO MEMORANDUM O RAZUMIJEVANJU SA GRADOM I KANTONOM SARAJEVO POVODOM PLANA ODRŽIVE URBANE MOBILNOSTI



Sa potpisivanja Memoranduma o razumijevanju

Grad Sarajevo, Ministarstvo saobraćaja Kantona Sarajevo i GIZ-ov Otvoreni regionalni fond za Jugoistočnu Evropu - Energetska efikasnost (ORF-EE) su potpisali Memorandum o razumijevanju povodom pružanja podrške za razvoj Plana održive urbane mobilnosti (eng. SUMP), čime su formalizirali saradnju na provedbi ORF-EE-ovog projekta na temu održive urbane mobilnosti.

Memorandum su potpisali ministar Adnan Šteta, zamjenik gradonačelnika Milan Trivić i Joachim Gaube, Menadžer sektorskog fonda ORF-EE. Kako su potpisnici naglasili tokom ovog skupa, SUMP će služiti zadovoljavanju potrebe za unaprijeđenjem mobilnosti,

odnosno kretanja ljudi, roba i usluga u Sarajevu i okruženju u cilju općeg poboljšanja kvaliteta života građana. Planom će biti obuhvaćeno područje Kantona Sarajevo, odnosno četiri gradske općine (Centar Sarajevo, Stari Grad, Novi Grad i Novo Sarajevo) i urbani dijelovi općina Ilidža, Vogošća, Ilijaš, Trnovo i Hadžići. Goste je pozdravio gospodin Joachim Gaube, ukazujući na važnost kvalitetnog i sveobuhvatnog urbanističkog planiranja. Julia Nagel, ORF-EE menadžerica projekta, je u sklopu ceremonije održala prezentaciju druge faze Projekta "Održiva urbana mobilnost u zemljama Jugoistočne Evrope" (SUMSEEC II) koji se provodi u okviru ORF-EE-a. Nagel je objasnila da će SUMP biti razvijen u okviru datog Projekta i da će naredne aktivnosti uključivati podizanje javne svijesti i mjere izgradnje partnerskih kapaciteta, kao i realizaciju jednog manjeg demonstrativnog projekta. "Projekat SUMSEEC II na neki način najavljuje novi period za Sarajevo i daje priliku upoznavanja sa trenutnim evropskim trendovima i politikom", rekao je Milan Trivić. "Uz pomoć ORF-EE-a, Sarajevo će se upoznati sa temom održive urbane mobilnosti koja predstavlja najvažniji razvojni resurs 21. vijeka. Pored toga, grad će uspostaviti blisku saradnju sa većim gradovima u regiji i dobiti priliku za razmjenu iskustava i saznanja o najnovijim trendovima u ovom sektoru, što će doprinijeti transformaciji saobraćajnog planiranja u Sarajevu", dodao je Trivić. Ministar Šteta je ovom prilikom izjavio: "Svi mi koji živimo u Sarajevu nažalost smo svjedoci da je sistem javnog gradskog prijevoza u lošem stanju. Mi ćemo tokom ove saradnje staviti naglasak na unapređenje saobraćajnog sistema i mnogih drugih aspekata, s dugoročnim ciljem izrade sveobuhvatne i učinkovite strategije za ovaj sektor". Ministar Šteta je ovu priliku iskoristio i da se zahvali GIZ-u i Njemačkoj vladi na pruženoj podršci. Koordinaciju izrade SUMP-a će vršiti Ministarstvo saobraćaja Kantona Sarajevo u saradnji sa ORF-EE-om, te će za potrebe izrade plana oformiti Radnu grupu koja će uključivati Ministarstvo saobraćaja KS, Ministarstvo za prostorno planiranje KS, Zavod za planiranje KS i Grad Sarajevo, kao i niz drugih institucija relevantnih za ovaj sektor, akademsku zajednicu, te nevladin sektor.



giz Deutsche Gesellschaft
für Internationale
Zusammenarbeit (GIZ) GmbH

NAJAVE



Projekat EU4Business

Informacija o predstojećem javnom pozivu za lokalne zajednice

Projekat "Konkurentnost i inovacije: Lokalne razvojne strategije – EU4Business" je četverogodišnja inicijativa (2018. – 2022.), koju primarno finansira Evropska unija (EU) u okviru Instrumenta za prepristupnu pomoć (IPA) II. Cilj projekta je doprinijeti ekonomskom rastu i stvaranju radnih mjesta kroz podršku konkurentnosti i inovacijama u izvozno-orijentiranim sektorima (npr. obrada drveta, metala, tekstila, plastike ili informaciono-komunikacijske tehnologije), kao i sektorima poljoprivrede, prehrane, turizma i ruralnog razvoja. Projekat provode *Deutsche Gesellschaft für Internationale Zusammenarbeit* (GIZ), Razvojni program Ujedinjenih nacija (UNDP) i Međunarodna organizacija rada (ILO).

UNDP je odgovoran za provedbu projektnih aktivnosti u oblasti poljoprivrede, prehrane i ruralnog razvoja. Pored direktne pomoći proizvođačima, projekat će aktivno podržavati i unapređenje poslovnog okruženja, tako što će pružiti tehničku pomoć vlastima u BiH u izradi, upravljanju i praćenju poticajnih mjera za privatni sektor te obezbijediti nepovratna sredstva proizvođačima, s ciljem jačanja njihovog poslovanja, bolje međusektorske saradnje te stimulacije poduzetničkih inicijativa. Ukupan projektni budžet za ovu oblast iznosi oko **8,75 miliona BAM**, a blizu **6 miliona BAM**, bit će iskorišteno za podršku investicijama u vidu **nepovratnih sredstava** za tri mjere podrške, i to:

I) Podrška investicijama u poljoprivredna gazdinstva, namijenjena poljoprivrednim gazdinstvima, zadrugama i malim i srednjim preduzećima aktivnim u primarnoj poljoprivrednoj proizvodnji;

II) Podrška investicijama u preradu i marketing, namijenjena zadrugama i malim i srednjim preduzećima aktivnim u preradi i proizvodnji prehrambenih proizvoda;

III) Podrška investicijama za provedbu lokalnih razvojnih strategija sa fokusom na diverzifikaciju ruralne ekonomije, namijenjena lokalnim upravama i lokalnim akcionima grupama i njihovim partnerima.

Planirana treća mjera se odnosi na **podršku razvoju ruralnih područja**, gdje će jedinice lokalne samouprave (JLS) biti primaoci nepovratnih sredstava i nosioci odobrenih projektnih aktivnosti. UNDP u saradnji s institucionalnim partnerima iz sektora poljoprivrede će uskoro započeti detaljnu razradu ovog javnog poziva, u skladu sa ispod navedenim osnovnim parametrima.

- * Planirani **mjesec objave** javnog poziva za mjeru podrške investicijama u ruralnim područjima je **oktobar 2019. godine**, a isplata sredstava za uspješne projekte predviđena je u prvom tromjesečju 2020. godine.
- * Na javni poziv se mogu prijaviti sve JLS koje kroz svoje **strategije razvoja** prioritiziraju investicije za **razvoj ruralne ekonomije i ruralnih područja**.
- * Projekti koji se kandiduju za finansiranje moraju biti iz **sektora poljoprivrede i ruralnog razvoja**, s posebnim osvrtom na **diverzifikaciju ruralne ekonomije i stvaranje i jačanje prihoda za ruralno stanovništvo**; fokus investicija su **inovativna rješenja** u predmetnim oblastima.
- * Kao nosioci prijave, JLS će biti odgovorne za provođenje odobrenih projekata. Međutim, svaki podnosioc prijave (JLS) će morati imati **partnere** kao što su udruženja aktivna u oblasti ruralnog razvoja i/ili poljoprivrede, lokalne akcione grupe, zadruge, preduzeća koja se bave poljoprivredom i proizvodnjom hrane itd.
- * **Ukupno raspoloživa sredstava** za podršku iznose oko **1.750.000 BAM**.
- * Predviđen je **iznos podrške po odobroj prijavi (projektu) od 97.000 BAM do 145.000 BAM**, gdje svaka prijava treba imati i obavezni udio **sufinansiranja od minimalno 25%**.
- * **predviđeno trajanje** projekata je **12 mjeseci** od dana odobravanja.

Imajući u vidu naprijed navedeno, bilo bi dobro da zainteresirane JLS već u ovom periodu započnu proces identifikacije mogućih projektnih ideja te pokrenu konsultacije s potencijalnim partnerima. Projekat EU4Business će svakako i u narednom periodu nastojati osigurati što više informacija za JLS, uključujući i kroz informativne sastanke koji će uslijediti nakon objave javnog poziva.

UNDP je odgovoran za provedbu projektnih aktivnosti u oblasti poljoprivrede, prehrane i ruralnog razvoja

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmemed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

Imajući u vidu naprijed navedeno, bilo bi dobro da zainteresirane JLS već u ovom periodu započnu proces identifikacije mogućih projektnih ideja te pokrenu konsultacije s potencijalnim partnerima



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: press@sogfbih.ba

Pratite nas na:

Gledajte Savez općina i gradova
Federacije Bosne i Hercegovine na

YouTube

Pratite Savez općina
i gradova FBiH na

g+

facebook

Savez općina i gradova Federacije
Bosne i Hercegovine

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: press@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

NAJAVA OBILJEŽAVANJA DANA OPĆINA I GRADOVA ZA MJESEC MAJ/SVIBANJ

- **02. maj/svibanj - Dan Općine Centar Sarajevo** . Naime, tog dana 1992. godine dešavale su se presudne bitke za odbranu Predsjedništva RBiH.

- **02. maj/svibanj - Dan Općine Stari Grad**. Naime, tog dana 1992. godine dešavale su se presudne bitke za odbranu Starog Grada i Sarajeva, kao što su za kasarnu Druge armijske oblasti, presijecanje kolone motornih vozila u Dobrovoljačkoj ulici, odbrana zgrade Predsjedništva i oslobađanje predsjednika Predsjedništva BiH Alije Izetbegovića.

- **08. maj/svibanj - Dan Općine Kladanj**. I dan formiranja Teritorijalne odbrane 1992. godine.

- **15. maj/svibanj - Dan Općine Usora**.

- **16. maj/svibanj - Dan Općine Novo Sarajevo**. Ovaj datum simbolizira „Pofaličku bitku“ kojom je 1992. godine agresoru onemogućeno da podijeli Sarajevo.

- **20. maj/svibanj - Dan Općine Bugojno**. Na ovaj datum 1886. godine prvi put zasjeda Gradsko vijeće Bugojna, što predstavlja i prvi oblik parlamentarizma, demokratije i političkog djelovanja kroz državne institucije vlasti. Inače, Bugojno kao selo prvi put se spominje 1574. godine.

- **23. maj/svibanj - Dan Općine Kalesija**. Na ovaj dan 1992. godine jedinice Armije BiH oslobodile su uže područje Kalesije čime je postala prvi oslobođeni grad u BiH.

- **24. maj/svibanj - Dan Općine Čitluk**. Na taj dan 1306. godine Čitluk, odnosno Brotnjo, prvi put se spominje u trgovačkim odnosima sa Dubrovnikom.

- **25. maj/svibanj - Dan Općine Bosanski Petrovac**.

